


山西通志十三卷六

陽明文庫圖書
七 號
共 三 冊
學智院圖書館

近衛
5-86
サ1



K 1 3 5

近衛本
5-86
步1

山西通志卷之十二

鹽法 錢法附

近衛本

鹽者天下之大利也管子煮海齊用富強漢武黠武鹽

鐵議輿論者乃曰聖王不言有無又曰不與小民爭利

當必有說焉顧以天地自然之利佐國家賦稅之供立

法須公而溥行法須嚴而密又善適變通之權斯鹽政

可入而無弊乃河東之鹽在漢為二十八郡之先在宋

行燕齊宿皂之域夫何昔廣而今狹昔利而今壅也然

理財之道與用人等自第五琦權鹽以佐軍用劉晏代

山西通志

卷之十二 鹽法

元三百九

之法益精密所入逾十倍而人不厭苦嗣後變其法而
度支大窘括商封窖民遂囂然賢能之臣國家之寶顧
不信歟利者國之大計生民之命而鹽又利之大較也
得其道而理之不加賦而國用足未可因其人而廢言
也作鹽法志以錢法附

夏禹貢海岱惟青州厥貢鹽絺

周官有鹽鹽謂不煉治而成蓋解鹽也故圖經引穆天
子傳有安邑觀鹽池之語左傳魯成公六年晉人謀去
絳諸大夫皆曰必居郇瑕氏之地沃饒而近鹽郇瑕即
解地也○周禮鹽人掌鹽之政令以供百事之鹽祭祀
共其苦鹽散鹽宿客共其形鹽散鹽王之膳羞共其餼
鹽后及世子亦如之

齊管子興鹽筴

齊桓公問管仲何以爲國管仲曰海王之
國謹正鹽筴十口之家十人食鹽百口之

家百人食鹽計其鍾釜給之於是說桓公伐菹薪煮海
水爲鹽令北海之衆毋得聚庸而煮鹽
秦取之以自豐其利二十倍於古

漢

武帝元狩中兵連不解縣官大空富商大賈治鑄鬻鹽

財累萬金不佐公家急乃以東郭咸陽孔僅爲大農丞

領鹽鐵事五年僅咸陽言山海天地之藏宜屬少府陛

下弗私以屬大農佐賦願募民自給費因官器作鬻鹽

官爲牢盆浮食寄民欲擅幹山海之貨以致富羨役利

細民其沮事之議不可勝聽敢私鑄鉄器鬻鹽者鉄左

趾沒入其器物元封元年因桑弘羊請置大農部丞分

部主郡國置均輸鹽鉄官是時鹽官凡二十八郡河東

安邑爲首而鄭當時舉齊之大鬻者解鹽在官始悉宜

帝地節四年減天下鹽賈元帝初元元年罷鹽官尋復

之明帝時官自鬻鹽章帝建初中又議復鹽官鄭衆諫

不從和帝即位罷鹽官獻帝建安初置使者監賣鹽

元魏

宣武時河東鹽池富強者專擅其利貧弱者不能資益延興末復立鹽司量其貴賤節其賦入公私兼利孝明即位御史中尉甄琛表稱周禮山林川澤有虞衡之官爲之厲禁蓋取之以時不使戕賊而已雖置有司實爲民守今縣官郭護河東鹽池而收其利是專奉口腹不及四體也彭城王勰曰聖人歛山澤之貨以寬田疇之賦收關市之稅以助什一之儲取此與彼皆非爲身所謂資天地之產惠天地之民鹽池之禁已久積而散之以濟國用非專供大官也宜如舊孝明卒從琛議弛以與民自後豪強之家乘勢占奪近池之民又輒障格神龜初復置官以監之其後典廢無常

隋

開皇三年鹽池亦與民同

唐

初無鹽賦開元元年河中尹姜師度以安邑鹽池漸涸開決水道置爲鹽屯公私大收其利左拾遺劉彤請檢校河南鹽利於是使師度除蒲州鹽池以外自餘處更不須巡檢蓋唐鹽池十有八井六百四十然皆隸度支

宋

其蒲州安邑解梁縣有池五總曰兩池歲得二百千萬以供邊塞之用其行鹽之地止於中州濟于汾西距隴坂東下京鄭抵于宛賦足之後仍以解鹽萬斛以供京師自陳少游奏加賦權兩池鹽每斗錢三百七十民始怨矣兵部尚書李選爲使兩池鹽利歲收百五十餘萬

晉

鹽民田園籍于縣而令不得以縣民治之憲宗討淮西度支使皇甫鏗又加劍南東西兩川山南西道鹽佑以供軍初德宗貞元中盜鬻兩池鹽一石者死以至元和

唐

中滅死流天德五城鑄秦論死如初一斗以上杖背沒其車馱能捕斗鹽者賞千錢州縣團保相察北于貞元加酷矣自兵興河北鹽法羈繫而已皇甫鏗又奏置權鹽法犯禁歲多戶部侍郎判度支盧弘正以兩池鹽法

唐

做遣巡院官司與更立新法其課倍入遷權權鹽使以壕籬著鹽池之隄禁有盜鹽與鬻鹽者皆死鹽盜持弓矢者亦死刑兵部侍郎判度支周墀又言兩池鹽盜

唐

販者迹其居處保社按罪鬻五碩市二碩亭戶盜糶二石皆死是時江吳羣盜以所標易茶鹽不受者焚其室

盧吏不敢枝梧鎮戍場舖堰埭以關通致富宣宗乃擇嘗更兩畿輔望縣令者爲監院官戶部侍郎裴休爲鹽鐵使上鹽法八事其法皆施行兩池榷謀大增其後兵徧天下諸鎮擅利兩池爲河中節度使王重榮所有歲貢鹽三千車中官田令收募新軍五十四都轉轉不足仍倡議兩池復歸鹽鐵使而重榮不奉詔至舉兵反僖宗爲再出大抵解池鹽唐隸度支專佐軍國自代宗大曆間賜名實應慶靈池

晉

天福七年先是諸州府除俵散蠶鹽徵錢外每年未鹽界分場務約糶錢一十七萬貫有餘言事者稱雖得此錢百姓多犯鹽法請將上件食鹽錢於諸道州府計戶每戶一貫至二百爲五等配之然後任人逐便興販既不虧官又益百姓朝廷行之諸處場務且仍舊餓而鹽貨頓賤去出鹽遠處州縣每斤不過二十掌事者又稱驟改其法奏請重置稅焉蓋欲絕興販歸利于官場院糶鹽雖多人戶鹽錢又不放免民甚苦之

周

顯德中世宗謂侍臣曰朕覽食未鹽州郡犯私鹽多于糶鹽界分况未鹽煎鍊搬運費用倍於糶鹽今宜分割

曹宋十餘州令食解州糶鹽

宋

制兩池以戶民爲畦夫悉蠲其他役每歲自二月一日墾畦四月始種八月乃罷官廩給之又募兵百人目爲護寶都以巡邏之安邑池每戶歲種鹽千席解池減二千席每席百有一十六斤半以給三京及京東之齊兖曹濮單鄆州軍京西之滑鄭陳潁汝許孟州陝西之河中府陝虢慶成州河東之晉絳慈隰州淮南之宿亳州河北之懷州及檀州諸縣之在南河者至道三年兩池得鹽三十七萬三千五百四十五席此其最多之數也真宗咸平中度支使梁鼎言陝西沿邊食解鹽請勿違商官自營利且數倍詔以鼎爲制置使而命內殿崇班杜承睿副之承睿閱視還爲帝言往鄜延環渭等州禁青鹽令商人入芻粟運解鹽于邊其直與青鹽不遠是以民安于法而蕃部青鹽欲售無從也今官運解鹽欲與內地同價邊民必冒法網入蕃界販青鹽以邀利而居者亦樂其價廉與之爲市是助寇盜而結民怨也鼎以煩擾不售得譴罷大中祥符九年陝西轉運副使張

象中言安邑解縣貯鹽三千二百七十六菴計三億八千八百八十萬八千九百二十八斤計直一千一百七十六萬一千八十貫切慮遺利望行條白帝曰此財之阜亦至矣若過求增羨慮有時而闕不可許仁宗天聖八年或言陝西禁鹽得利微而爲害博兩池積鹽成阜其上生木合抱數莫可校請聽通商寬百姓力乃詔罷三京二十八軍州權法聽商賈入錢京師權貨務受鹽兩池然稅課入官者頗耗自元昊反聚兵西邊用度不足因詔入中他貨由是羽毛筋角漆炭瓦木之屬一切以鹽易之猾商貪賈乘時賂吏爲姦至入椽木二估千錢給鹽一大席爲二百二十斤虛費池鹽鹽直益賤販者不行公私無利乃詔復京師權法凡商人以虛估受券及已受鹽未鬻者皆計直輸虧官錢他州軍民間鹽悉收市入官官爲置場增價而出之復禁永興同華耀河中陝虢解晉絳慶成十一州軍商鹽官自輦運以衙宋前王之又禁商鹽私入蜀置折博務於永興鳳翔聽人入錢量民資厚薄役令輓車轉致諸郡道路糜費役人竭產不能償關內騷然所得鹽利不足佐縣官之惡命邊誘入入中芻粟皆爲虛估騰踴至數倍歲費京師錢幣反多乃從太常博士范祥議舊禁鹽池一切通商鹽入蜀者亦恣不問罷並邊九州軍入中芻粟第令入實錢以鹽償之視入錢州軍遠近及所指東西鹽第優其估總爲鹽三十七萬五千大席授以要券卽池驗券按數而出任其轉售所得錢以實塞下盡弛兵民輦運之勞數年猾商貪賈無所侏侏其後三司言京師商賈罕至鹽直踴貴請得公私並買而餘則禁止官鬻從之時兩池歲役畦戶皆解河中陝虢慶成之民官司侵剝民以爲苦乃詔三歲一代嘗積通鹽課至三百三十七萬餘席詔蠲其半中間以積鹽多特罷種鹽一歲或二歲三歲以寬其力其後減畦戶半又稍傭夫代之五州之民得安田里無追逮侵剝之擾是時兩池皆置官八解州有權鹽院守貳領之總其事曰制置神宗熙寧間中書議陝西鹽鈔大出虛鈔而鹽益輕以鈔折兌糧草有虛檯邊糴之患請用西蜀交子法使其數與錢相當可濟緩急詔以內藏錢二百萬緡三司遣使易吏行四路請買鹽引又令秦鳳永興鹽鈔歲以百八十萬爲額河

南北曹濮秦鳳等處皆食解鹽邈自仁宗時解鹽通商官不復權哲宗元祐元年戶部及陝西制置解鹽司議延慶渭原環鎮戎保安德順等八州軍皆禁權官自鬻以萬五千五百席爲額聽商旅入納于八州軍折博務筭給交引一如范祥舊法其出賣到鹽錢以給轉運司糴買徽宗崇寧元年解到賈瓦南北圓池修治畦眼相磨布種通得鹽百七十八萬餘斤州具以聞初解梁之東有六鹽澤卽今六小池綿亘百餘里歲得億萬計元符元年霖潦池壞至是乃議修復四年池成凡開二千四百餘畦百官皆賀內侍王仲干實董之仲干以額課敷溢爲功議者謂鹽池灌水盈尺暴以烈日鼓以南風須臾成鹽其利則博苟欲溢額不俟風日之便厚灌以水積水而成味苦不適口崇寧間蔡京始變鹽法俾商人先輸錢請鈔赴產鹽郡授鹽欲囊括四方之錢盡入中都以進羨要寵民間食鹽雜以灰土解池天產美利乃與糞壤俱積矣初熙寧八年三司使章惇言東西永利兩監鹽課舊額二十五萬餘緡自許商人入申糧草增餽給錢支鹽商人得錢千錢售價半之縣官陰有所亡坐賈獲利不貲又私鹽不禁歲課日減今纔十萬四千餘緡若計糧草虛估官纔得實錢五萬餘視舊虧十分之八請如解鹽例募商人入錢請買或官自鬻重私販之禁歲課且大增並邊市糧草一用見錢乃詔官自運鹽鬻於本路知太原府韓絳言其不便請通商乃令商人輸錢於邊給券於東西監請鹽以除加餽折糴之弊仍令商人自占所賣地卽官鹽已運至場務者令商人買之加運費初熙寧五年京西漕臣陳知儉言蠶鹽畸零非民所賴乃罷之第令輸錢故宋於解池之鹽朝廷專置使以領之北方之鹽盡出於池云

馬端臨文獻通考

按授人以鹽而徵其錢謂之蠶鹽行之京東諸路免鹽之權而均諸稅謂

之兩稅鹽錢行之河北皆五代法也及其弊也鹽不給而徵錢如故稅已納而禁權再行益誤以二者爲經常之賦而不知其源出於鹽也河北之權方平言之仁皇聽之惠及一道矣獨蠶鹽錢之輸未有能如方平者力言之至和中僅免其十之三惜哉

元 因乎宋皆領在官東池二場曰常滿曰鹽北西池二場
曰紫泉曰會商場設官四員三監池一領縣事

明

河東運司歲辦鹽六千八十萬斤每二百斤為一引共
計三十萬四千引分撥陝西山西河南食鹽開中于宣
大當時邊疆遠濶運餉維艱戶部出榜招商以內地鹽
中邊使商為飛輓至善策也洪武初每引價八分永樂
中輸粟二斗五升官征薄而商利鹽價平而課充成化
十年設解鹽東場分司于路村榜辦東場鹽課設西場
分司于解州榜辦西場鹽課二十二年復設中場分司
增歲辦鹽課一十一萬六千引共四十二萬引內存積
一十一萬六千引常股一十八萬九千引戶鹽一十萬
五千引戶鹽乃派支各項食鹽餘則並與常股聽商報
中者每引納米豆二斗七升七合弘治中尚書葉淇變
亂成法如令運司招商輸課解部送邊于是有運司納
銀之例而陝西又以銀供不繼定令河東每引納銀二
錢一分而開中之法遂廢正德八年鹽花盛生御史張
士隆請于額辦四十一萬引外另榜餘鹽二十萬引召
商于偏頭等處開中以補王府祿糧之缺嘉靖二十七

年從御史陳玠議開中每引定納銀
三錢二分得銀一十三萬四千四百兩餘額解宣府八
萬外餘銀五萬四千四百兩並餘鹽二十萬引該折銀
六萬四千兩共銀一十一萬八千四百兩內除四萬三
千一百一十六兩八錢徑解大同府補給王府祿糧其
餘七萬五千二百八十三兩二錢俱解山西布政司抵
補民糧及王府祿糧先是正統十四年北邊多事戶部
借撥山西民糧二十七萬三千六百石運赴宣府接濟
後議將起解宣府稅糧盡數存留山西布政司支祿糧
軍餉等項河東運司銀亦與焉及嘉靖四年至八年池
鹽缺額此時尚有餘鹽變價歷年湊補可償十之二三
嘉靖二十二年從尚書方銑言革去餘鹽名目定以六
十二萬為額除官吏食俸鹽三百五十引王府食鹽二
千九百九十引實該辦六十一萬六千八百引每引三
錢二分該每年辦銀一十九萬七千三百七十六兩內
解宣鎮銀八萬兩大同代府祿糧銀四萬三千一百一
十六兩八錢山西抵補民糧銀七萬四千二百五十九
兩二錢是歲供之數比原額過倍矣四十年總理鹽政

都御史鄂懋卿培尅媚上將河東堆積鹽料易銀一十四萬二千四百五十兩又每引正課外加鹽二十斤每年增銀四萬三百兩俱解太倉于是正課虧而邊餉缺萬曆二年督臣戴尙書題將陝西延安一府改食花馬池鹽于河東宣府年例八萬兩內認去三千二百二十一兩四錢四分改解延緩充餉萬曆十七年部議仍遵舊制以四十二萬引為額將開歸二府照會典改隸山東長蘆運司將河東續增二十萬引內撥一十五萬引該課銀四萬八千兩令東蘆二運司分認照銀定引每年各照數徑解宣府抵河東原額而河東年例止解宣府銀二萬八千七百七十八兩五錢六分餘引五萬既係續增辦納不前暫准停免十八年御史吳達可又題將太汾等處鹽粟銀自本年為始免其解部竟解山西布政司抵河東正額考得粟鹽名色起于嘉靖中有言太原汾州山路崎嶇商運難致乃許行出鹽給粟收稅每鹽百斤納銀三分仍聽轉販于奇嵐保德河曲等處惟平定代石州縣地里稍平令行運鹽而商人亦不至乃從御史趙睿之議行巡鹽御史會同巡按查覈州縣戶口食鹽之數計口定鹽給粟收稅務使地無遺利法無遺奸先後增票共一十一萬五千五百七十九張抵作一萬六千三百二十引每票一百斤稅銀六分該銀六千九百三十四兩七錢四分以票稅比照引價頗有齟齬而此時總計則每年額鹽四十二萬引除各項認解抵和外竇該解宣鎮銀二萬八千七百七十八兩五錢六分解太原洞銀照原額四萬三千一百一十六兩八錢解山西抵補民糧銀二萬一千三十六兩七錢四分共銀九萬三千九百二十二兩一錢六分初萬曆十一年部覆補給壓待商人高世彥等一十萬引于年解山西額內減銀三萬二千兩于太倉庫補發按壓待之名起于隆慶元年至四年地遭客水鹽花不生年例催督不得不責商人報納各商預納鹽價實未支鹽故有壓待壓支等項名目萬曆十九年巡鹽林御史題准仍將壓待鹽十萬引盡行支商徵價補解山西鎮銀三萬二千兩免于太倉給發內除介休縣新增票鹽一百五十引抵解銀四十八兩實行九萬九千八百五十引該加解山西銀三萬三千九百五十二兩而舊行太汾

等處票銀六千九百三十四兩七錢四分不與焉萬曆三十七年陳御史議引票兼行互相影射大為弊數宜令行票之地俱改行引庶頭緒不多稽查亦便部覆報可自後萬曆二十七年有罷職百戶吳應麟以餘鹽變價之說進之稅使張忠忠往視每年包辦鹽四萬八千引該銀二萬八千八百兩名為進鹽蓋取商人額內之鹽而責以額外之課商人苦之是時河東鹽課除花馬池認銀及太汾鹽票續增外實該解宜太山西三處年例銀共一十二萬三千二百一十九兩八錢二分及前項進鹽二萬八千兩至四十二年乃詔罷進鹽之數天啓六年大工告匱部議河東運司每引增銀二分共加銀八千四百兩崇禎五年從王侍御之議增鹽一萬二千五百引加銀四千兩充新餉又加練餉銀七千兩俱解戶部後因旱澇不常鹽不生結流寇煽亂商人逃亡歲課歷欠難完于崇禎九年姜侍御奏行按丁食鹽計別定課之法令各屬照太丁納價領運以不能封課之滴支鹽給與戶口而戶口所納之價即抵商人之課在戶口不至納價無鹽在商人不致守鹽坐困未嘗不兩便也後因鹽有美惡槩不用商鹽祇用丁採自是商支自晒戶運丁撈每年戶口共納課銀五萬四千二十五兩六錢商共納課銀六萬三千九百七十八兩二錢二分每十引均為三兩二錢法以弊生行鹽地方路途遙遠里棍包攬蠹胥勒索戶口不苦納價而苦領運蓋不勝其累云

皇清

運司如舊順治二年蠲除新練餉銀葦泐延安并王府官吏食俸鹽浮引及太汾遼沁小票實行額引四

十萬六千七百三十三引順治三年奉文仍將前項王府官吏食俸鹽三千二百引自二年起照例變價解部每年變價一千二十四兩二項共行引四十萬九千九百三十三引共徵課銀一十三萬一千一百七十八兩五錢六分其太原所屬州縣鹽稅銀共五千二百二十首二兩四錢六分係布政司徵解戶部汾州一府遼沁二州徐溝等處稅銀一千七百一十二兩二錢八分陝西鳳翔府屬課銀五千二百一十六兩山西河南戶口州縣課銀五萬四千二十五兩六錢商人鹽課銀六萬三千九百七十八兩二錢二分俱係本司徵解戶部順治

五年將太原府屬鹽稅歸并本司徵解先是順治四年朱鹽院招商人張永盛等二十六名承認晉豫戶口州縣課銀六年劉鹽院又招商人馬興等二十餘名承認鹽課十年春有鹽課不許派及戶口之

旨陳總司暨劉鹽院又招商人董敦等一百一十餘名前

後將平潞澤懷戶口課銀盡數承認民累除矣商責重焉順治十三年因兵餉不敷河東增引十萬道加課三

萬二千兩旨本年秋季為始行鹽徵課准鹽院奏請照舊行引額一體增加太汾遼沁增五千二百八十六

引零九十六斤加課銀一千六百九十一兩六錢零鳳翔增三千九百七十六引加課銀一千二百七十二兩

四錢商人增引九萬七百三十七引零五十四斤加課銀二萬九千二十五兩九錢零招商人蔣太亨等一百

一名承認辦課所行之引增與行鹽州縣同舊額退引一弁繳銷州縣以引多民累銷引為艱申請商人亦以

鹽多壅滯額課難完控告十六年劉鹽院題請北照長蘆減引不減課之例減去新增之引止徵新加之課

每引北舊額增課銀七分八釐六絲一忽五微零此見今徵解之數也但河東商人窮苦遠不及淮瀋富商之

什一完課無資類多稱貸故當封課之時猶是本商及至引領支鹽僅堪償債者有之諸商因詘固屬可憐

國課不登尤為可慮細查近年事例歷有先掣後封之法于成法毫無所紛更但封掣之間略略通融使正課

先完私逋在後詳切咨詢均稱兩便現議權宜舉行甌商裕課在當

事者折衷焉

引票 河東鹽引明初每引二百斤合存積常股戶鹽三項共三十萬四千引存積乃見積在場者遇邊儲

急用納價放支不拘資次北常股為重常股乃常年派數者以年例開中納價放支則必挨先後北存積為輕

戶鹽則派支各項食鹽所餘并與常股聽商報中者洪武時茶鹽引契銅版俱南京戶科收貯每遇開中南京

戶部印刷勘合發各邊填寫商人姓名并所中鹽引數目俱用印蓋不許洗改編置底簿并流通文簿發運司候商人齎到勘合比對字號相同派場支鹽及刷印引目運司關領給付商人發賣永樂遷都北京其鹽根勘

合引日銅版仍于南部收貯正統六年鑄換印信其鹽引勘合支簿仍掌于南京七年戶部請于年終各運司將各商齎到勘各字號納過鹽糧數目各造冊繳部比對查考弘治二年准奏各掣過引鹽坐於行鹽地方發賣畢將引鹽徑赴所在官司告繳各運司提舉司以每歲辦完鹽課實數年終造冊奏繳即差吏赴戶科註銷又令歲報鹽課冊內開寫其運司額辦鹽課存積常股數目該本色鹽若干或布米折貨若干某場鹽課若干辦完若干各立行款開造官攢某等辦鹽課收入某字號倉囤某年月日出給通關河東運司限在次年三月終繳此定制也至成化間增為四十二萬引每引照舊徵紙價銀三釐解南京戶部為關領紙價之用正德間增餘鹽二十萬引嘉靖間賦益增河東并餘鹽為正額共六十二萬引以三錢二分計除官使食俸鹽及王府食鹽共三千三百餘引外實該六十一萬六千八百引每年例該銀二十九萬七千三百七十六兩此河東引額之大較也延及隆慶年間課有逋欠引無增損至萬曆十六年將開歸二府改屬長蘆山東共減去二十萬引照舊四十一萬引及奉部文將十一年商人高世彥等奏准每年撥補商欠鹽十萬引徵銀解餉以本年分餘鹽給之是陰增十萬引也隆慶四年因太汾所屬州縣俱食本地煎鹽每一百斤抽稅銀六分給票一張票有定數後亦漸增至萬曆三十三年共票一十一萬五千五百七十九張印刷分發九州縣通共稅銀六千九百三十四兩七錢四分補解山西布政司作河東正課其後引票兼行真偽夾雜多寡混淆乃請改票為引以示畫一

皇清鹽法統歸戶部槩不用票而用引但河東採鹽之法有二一為官丁撈採之鹽一為商人撈採之鹽鹽池附近十三州縣額設鹽丁每撈鹽十引商人納課三兩二錢此官鹽之用引者也商人自備工本出人力以撈鹽每百引為率內分七十引為官鹽照常納課分三十引抵作商人工本不納課止給官票以別于私鹽此商鹽用引兼用票者也部議撈採之法仍照舊貫而太汾遼沁等州一照山東例革票行引以除私販之弊題奉欽依但州縣銷引各有定數票鹽或壅積不行願治十年

院司勳議將工本鹽盡數裁去以疏官鹽是商人于辦課外比舊日多費一番撈晒之工矣此商累所當恤也說者又謂向年商人撈採或串通鹽丁私賣正料為堆鹽者有之或交結橫斗盜賣官鹽者有之堆鹽者即商自撈鹽每一引為百車者也今則事例不同可無過慮至散引掣鹽向來紛紜不一以致鹽積難售今特按月支鹽每場分為六轉每轉挨日期支鹽有數求售不紛倘或稍壅暫停再掣不得紊亂鹽政又鹽出三場畦分東西其間地有肥磽鹽有多寡時或有引無鹽間或鹽遠脚貴屢經前院准令通融掣支不復泥前朝撈鹽官料之規亦良法也

行鹽

河東既割開歸其行鹽地方陝西則西安漢中延

安鳳翔四府河南則懷慶河南南陽三府汝州一

州山西則平陽潞安二府澤州一州其太汾遠沁等處

俱食本地煎鹽隆慶間又將延安府改食花馬大池鹽

萬曆間又將鳳翔府改食小池鹽崇禎間又將漢中府

改食大池鹽地方寥寥無幾而鹽課俱為減額崇禎九

年姜鹽院議將平陽潞安澤州并懷慶一府俱改為戶

口納課惟極荒殘州縣不與其行鹽之地止有山西石

樓岳陽等處陝西西安一府與安一州河南之南陽河

南二府汝州一州加以寇盜縱橫私鹽充斥官商裹足

不前實在行鹽處所僅如黑子之着面耳考行鹽則例

商人納課領引支鹽出場聽三省小販接買發賣行鹽

州縣州縣始則按人丁而受鹽繼則計鹽斤而繳引按

季比銷年終考成法至善也自流寇煽亂戶口凋殘若

按原額派引則有一丁而派鹽一二引者傷于太重有

一引而分給四五丁者傷于太輕殊非計口授食之制

而窮民歎甘苦之不均矣

皇清順治十三年朱鹽院具題行令三省藩司查筭實

在人丁均勻派引彼時有分別上中下三等州縣派銷

者有止照舊額量為增損者有不論人丁地丁一槩均

勻者遂將新增十萬引各照多寡舊額加派繳銷嗣後

以派銷不平州縣申請至十六年始比照長蘆減引不

減課之例減去新增之引止食舊額之鹽而民得免重

困焉

事例

洪武初置都轉運司於路村裁元四場為東西二場每場官二員額辦課三十萬四千引三省布政司凡所屬府州縣坐派巡鹽等官一員并各稅課巡檢鹽鈔等官吏量地遠近定限月日赴路村察院遞結○成化乙巳議准添中場亦設官二員歲增課十有一萬六引共四十二萬引 呂柟曰此亦足以見國用之增

官多而鹽課益也

鹽丁

按淮浙等各運司皆有蘆蕩鹽場有鹽戶丁煎鹽辨課惟河東別無竈蕩明朝於蒲解等州縣編審鹽戶八千五百八十五戶定鹽丁二萬二百二十名每二十名立料頭一人共撈鹽一千引為一料其鹽戶除正役里甲應辦糧草外一應雜泛差徭丁少者俱蠲丁多者量減于商人名下每引徵賑濟銀一分每鹽丁撈鹽一引即賑銀一分又查佃種逃絕鹽丁地土者每地三二十畝撈鹽一丁約九千斤盈前不下三萬嘉靖間因富丁私自催役料頭攬收影射議每年清審聽民自願無方者照舊供役有力者納銀一兩五錢免其撈採如遇撈採不及催募貧民每一料給以前銀一兩兩為工費此工本鹽所由助也隆慶間因前項佃地人戶既應差役又復撈鹽乃蠲免佃丁別招貧民補數又題淮南岸撈鹽用鹽丁則民力不堪動賑濟恐財力不繼請廣召貧民於兩岸每撈鹽一料外給鹽十車此召募簡便之法也又議照民戶編審均徭事例行三門折丁之法照各州縣原額僉夫其打草修牆二項責鹽夫供役若浩大工程仍起派州縣民夫毋累貧民萬曆六年陳御史以富丁出銀免役貧民包撈代辦富者愈逸貧者愈勞况名為富丁不無豪強假鹽戶名色影蔽差役今宜將逃竄貧丁招徠復業其富丁七百七十餘名停止納銀盡驅撈辦管鹽官明信賞罰毋容虛應僱代此時料頭七百四十號丁夫一萬四千七百不為不多既免差役又每料撈鹽一千引賑銀八兩後加至十兩不為不厚然路途跋涉旅次艱食沸湯濺足烈日熏肌勞苦萬狀故富者僱代貧者強支查點不及十之四五撈採不及十之二三捏造地名誑報虛數皆由料頭之包攬為姦管鹽官之扶同作弊也明末止存鹽丁六千四百七

丁半每歲正月行文州縣從公清審決年老收切丁務足舊額一遇池鹽生結調取州縣職官督率料丁星夜赴池照依分定中東西脚道竭力撈採每丁每日責照定例撈鹽一引二十丁為一號一號所撈各自為堆以辦多寡美惡撈採完日各在脚道高阜處每一千引攢料一臺僉報臺頭一名日後鹽不足數責在臺頭補撈三司仍照分定處所取州縣印結驗收明白各執籤號投院請掣每丁每年額撈鹽三十二引足額者官給賑濟銀三錢二分不足責令下次補撈今歲不足責令次歲補撈又每年九月終旬調取官丁在池南岸採取蘆葦每丁一十八束每束二十八斤堆放脚道三場斗級看守備來年苫蓋鹽料之用後因兵荒丁散

皇清順治二三年間十三州縣止存六千三百四丁較明未又缺額百餘撈採仍依舊制六年逆賊之變鹽丁又多傷損見在止存五千八百四十四丁半節年鹽池罕生商人自行澆晒鹽丁未經撈採其賑濟銀兩亦盡歸於部焉康熙十六年為清查晉省之鹽丁等事案內十三州縣除紳衿優免七百七丁外查出實在鹽丁共三萬一千一百三十三丁半酌留二千名脩修墻之用行差鹽丁二萬九千一百三十三丁半照依民丁門則徵納徭銀料臺三場每歲額鹽四十二萬引料臺四百二十座苦鹽草十有六萬八千束舊戶八千有三百三十四鹽丁萬有二百二十三場料各百有四座脚道皆六其鹽戶惟中場三千六十四東西二場皆二千五百有奇云

募役

明季中東西三場設有店戶牙子店戶上市作合作合見今存留牙子共六名中場二名東場三名西場一名○舊制車戶四百二十名赴池裝載商鹽商人給以脚資每場各輪挨號頭六名備馬匹以供差遣順治六年兵變後車戶無多號頭若累八年間運使陳詳允裁去號頭在車戶脚銀內扣銀買馬騾十二匹頭供差又恐馬齒加長不無倒損十年間詳允仍歸各商又因車戶舊有辦納麥稽土坯及修理覓夫累及牙子十六年間議在車戶脚銀中每車扣銀一分五釐每遇掣放

日期三場牙子各赴禁門親收以抵修理覓夫等費今車戶見存者中場一百二十八名東場一百二十六名西場一百零五名○鹽池內外城禁各門員役于順治八年議定留用三百二十二名裁去舊額一百八十六名每歲工食凡弓兵永裁為三兩秤斗機兵仍照六兩支給除平陸縣報荒一百九十六兩八錢不徵外其原有額編州縣狗氏解州安邑夏縣聞喜芮城六屬多寡不等共該解銀一千一百六十一兩照三兩者該給二百七十六名六兩者該給四十六名共該給銀一千一百零四兩除給外下剩銀解部留用

罷送各邊年例銀兩
洪武永樂以來天下鹽課俱開中各邊上納本色米豆商人欲求鹽

利預于近邊轉運本色以待開中故邊方米豆無甚貴之時并無年例銀兩自成化八年開設榆林衛巡撫余子俊增治城若陝西民供不繼奏送江南折糧以補不足然初以南京折銀例每石折銀五分放支軍士其後大同等缺之亦皆送銀補足數皆不多未有以萬計送者至弘治初戶部尚書葉淇與大學士徐溥議奏作准運司鹽課于運司開中納銀解戶部送大倉銀庫收貯分送各邊鹽價銀積至一百餘萬兩人以爲利而不知壞舊法也劉瑾言祖宗朝無此例命尚書顧佐查天順以前年例銀數使當劉瑾查問之時答曰昔鹽課在邊上納故無年例銀之送後改鹽課納銀解京故不得不分送各邊如此瑾必不怒而反正鹽法必不受其禍矣乃朦朧以天順前無前例回

報使士民受害識者短之

額解
明季本司歲額引及王府食鹽變價引每引除正課外例徵賑濟鹽丁米價銀一分又除太汾遼沁州縣鳳翔一府各食本地產鹽例不輸賑外商人每歲辦鹽三十七萬一千九百六十一引一百八十八斤該徵賑濟銀三千七百一十九兩六錢二分俱爲賑濟鹽丁及督採官員日費并開引盤費後因池遭水患鹽丁缺額商人各自晒鹽掣支辦課前項銀兩因有餘剩自順治二年起除開引盤費并鞞木等項價值支用外餘銀盡數解部復于順治十年奉文自九年始將所徵三千七百一十九兩六錢二分盡解京庫又于十三年增

山西通志

卷之十三

鹽法

七

澄六百六十二

引十萬道除派加太汾遼沁及鳳翔府例不輸賑外招商行引九萬九百三十七引五十四斤每引照例徵銀一分共加徵賑濟銀九百七十兩三錢七分二釐七毫十六年減去增加引日其賑濟銀兩仍照不減課之例每引徵銀一分二釐有奇共銀四千六百二十六兩九錢九分二釐七毫一同解部充餉○鹽池周圍護池灘地各州縣分屬每年徵租銀七百九十三兩四錢二分一釐六毫租麥一百八十九石九斗八升三合有奇舊給運營順治四年奉文租銀解部租麥聽用復奉部制租麥一并變價解部充餉

差官

成化九年差御史一員巡視河東運司并陝西靈州大小二池鹽課其陝西所屬關內關南關西河西農陽等道河南所屬河北汝南河南等道各分巡官帶管鹽法者悉聽節制

總論

州判呂柟曰竊聞之齊管子曰海王之國謹正鹽筴十

口之家十人食鹽百口之家百人食鹽終月大男食鹽

五升少半大女食鹽三升少半吾子食鹽二升少半此

其大曆也鹽百升而釜今益之重升加分強釜五十也

升加一強釜百也升加二強釜二百也種二千十種二

萬百種二十萬千種二百萬萬乘之國人數開口千萬

也萬筴之商日二百萬十日二千萬一月六千萬萬乘

之正九百萬也月人三十錢之籍為錢三千萬今吾非

籍之諸君吾子而有二國之籍者六千萬使君施令曰

吾將籍於諸君吾子則必置號令天給之鹽筴則百倍